



Nou la

Pou Ou.

NYC
HEALTH+
HOSPITALS

Jwenn Swen

Èske biwo doktè m nan ouvè?

Wi. Klinik NYC Health + Hospitals yo ouvri kounya pou vizit fas-a-fas ak televizit, swa pa telefòn osinon videyo.

Se pa tout bagay ki nesosite yon vizit an pèsòn. Pale ak ekip swen w lan konsènan opsyon pou w fè yon vizit nan telefòn oswa videyo lakay ou.

Èske pa gen danje pou m wè doktè m nan fas-a-fas?

Wi. Sekirite w pa t janm pi enpòtan epi nou pran prekosyon siplemantè pou asire ke pasyan ak anplwaye nou yo an sekirite.

- + Tout pasyan, vizitè ak anplwaye yo pral gen tanperati yo tcheke lè y ap antre nan lokal nou yo
- + Pasyan yo pral fè tès depistaj pou sentòm COVID-19 la anvan yon vizit ak nan jou randevou a

- + Mask pou kouvri vizaj yo obligatwa pou tout pasyan, vizitè ak anplwaye yo
- + Plizyè èdtan konsiltasyon espesyal ap disponib pou pasyan ki granmoun ak vilnerab nan sèten kote
- + Espas yo pral klèman make pou ede kenbe yon distans sosyal pou sekirite
- + Sal egzamen yo pral netwaye souvan, sitou ant vizit pasyan yo
- + Tout espas komen yo pral netwaye ak dezenfekte pandan tout jounen an
- + Chak pasyan kapab pote yon asistan sante jan sa nesèsè

Èske pa gen danje pou m vini ak pitit mwen yo nan klinik lan?

Wi. Li sitou enpòtan pou pitit ou a pa rate vizit byennèt li yo oswa okenn vaksinasyon. Okenn timoun pa sipoze ale san yo pa jwenn swen ke yo bezwen an.

Asire ke ou menm ak pitit ou a mete yon mask lè w ap deplase vini nan klinik la, si yo gen 2 zan oswa plis. Si w pa gen mask n ap ba ou youn.

Kouman mwen ka repwograme yon randevou ki te anile?

Ou kapab rele nan 1-844-NYC-4NYC (1-844-692-4692) pou w repwograme. Si w rate yon tès depistaj prevantif oswa randevou pou yon maladi kwonik tankou dyabèt oswa tansyon ki wo, li sitou enpòtan pou w repwograme vizit ou avèk founisè w la. Pa retade twòp.

Mwen pa gen yon doktè, èske w wè nouvo pasyan?

Wi, nou aksepte nouvo pasyan yo. Si w bezwen jwenn yon doktè, rele nan 1-844-NYC-4NYC (1-844-692-4692) pou w pwograme premye randevou w la.

Biwo doktè prensipal mwen an fèmen. Èske m ka pwograme yon randevou avèk ou?

Wi. Nou la pou tout Nouyòkè yo. Si w pa t janm ale nan NYC Health + Hospitals, rele nan 1-844-NYC-4NYC (1-844-692-4692) pou pwograme premye randevou w la osinon pou w jwenn yon etablisman ki toupre lakay ou.

Peye pou Swen

Mwen enkyè konsènan pri a.

Pri pa dwe janm kanpe w pou wè yon doktè. Nou gen opsyon pou pwoteksyon swen sante ki pa koute chè oswa gratis ki disponib pou tout Nouyòkè yo.

Mwen pèdi pwoteksyon asirans mwen.

Nou kapab ede w avèk sa. Konseye finansye nou yo pare pou ede w jwenn yon plan asirans ki bon pou ou ak fanmi w. Rele nan 1-646-694-3131 pou w pale ak yon moun jodia. Si w pa kalifye pou asirans oswa ou pa kapab peye, NYC Care la pou ou. Chache jwenn plis enfòmasyon lè w rele nan 1-646-NYC-CARE (1-646-692-2273).

Rele pou yon randevou
1-844-NYC-4NYC (1-844-692-4692)



RETE KONEKTE. SWIV NOU.

nychealthandhospitals.org

Haitian Creole 06/20

COVID-19

Mwen panse ke m gen COVID-19, èske m dwe pwograme yon randevou?

Si ou gen sentòm COVID-19 la, kontakte founisè w la atravè MyChart oswa lè w pwograme yon vizit telesante.

Doktè w la ka mande w pou w izole w lakay ou an sekirite, ale nan ExpressCare oswa ale nan Sal Ijans an fonksyon de sentòm ou yo. Si w pa gen yon kote pou w ale, ou ka petèt kalifye pou yon chanm otèl gratis.

Tout Nouyòkè yo ta dwe fè yon tès dyagnostik COVID-19, kèlkeswa si yo gen sentòm ou pa, oubyen si yo gen plis risk. Tès yo rapid, fasil ak gratis. Pou w jwenn yon kote ki fè tès tou pre w la, rele nan 1-844-NYC-4NYC (1-844-692-4692).

Èske mwen dwe ale nan vizit mwen an si m gen sentòm COVID-19 la oswa yon tanperati ki pi wo pase 100.4?

Si w gen sentòm COVID-19 la, rele nan 1-844-NYC-4NYC (1-844-692-4692) pou diskite opsyon pou vizit ou a.

Mwen te gen yon rezilta pozitif pou tès COVID-19 la, èske m dwe ale nan vizit mwen an?

Si ou gen COVID-19 ou ta dwe izole w san danje pou omwen 10 jou ak 3 dènye jou ke w pa t gen lafyèw la san ou pa t pran okenn medikaman tankou asetaminofèn (Tylenol) oswa ibipwofèn (Motrin, Advil). Si w pa gen yon kote pou w izole, ou ka kalifye pou yon sejou gratis pou yon ti tan nan yon chanm otèl.

Si ou refè soti nan enfeksyon COVID-19 la, ou ka ale nan randevou klinik ou san danje.

Viv byen, viv an bòn sante.

**NYC
HEALTH+
HOSPITALS**